

UNIVERZITET U SARAJEVU  
ELEKTROTEHNIČKI FAKULTET U SARAJEVU  
Broj: 02-1-235/09  
Dana, 29.01.2009.

Na osnovu člana 197. Pravila Elektrotehničkog fakulteta u Sarajevu - Prečišćeni tekst (broj: 01-01-1829/06 od 11.09.2006. i 01-01-446/08 od 27.02.2008. godine) i Zaključka Kolegija Elektrotehničkog fakulteta u Sarajevu od 26.01.2009. godine, Dekan Elektrotehničkog fakulteta u Sarajevu, donio je

## ODLUKU

### Član 1.

Podnesci (zahtjevi, prijedlozi, prijave, molbe, žalbe, izvještaji) kojim se komunicira između organizacionih jedinica Fakulteta, stručnih organa kao i upravnog i rukovodnog organa Fakulteta obavezno se predaju na Protokol Fakulteta i to u hard i elektronskoj formi (na CD-u).

### Član 2.

Sve podneske u vezi sa priznavanjem ispita, regulisanje statusa studenta, prijava tema za doktorske disertacije i magistarske radove kandidati – studenti obavezno predaju na Protokol Fakulteta i to u hard i elektronskoj formi (na CD-u).

Doktorske disertacije za ocjenu i magistarske radove za pregled kandidati-studenti takođe su obavezni predati na Protokol Fakulteta u određenom broju primjeraka i to u hard i elektronskoj formi (na CD-u).

### Član 3.

Zaposlenik koji radi na Protokolu Fakulteta ne može zaprimiti ni jedan podnesak naveden u članu 1. i 2. ove Odluke ukoliko nije u hard i elektronskoj formi (na CD-u).

Ako na insistiranje podnosioca podneska odnosno kandidata-studenta zaposlenik zaprimi podnesak bez primjerka u elektronskoj formi, zaposlenik je dužan napraviti zabilješku o tome u gornjem desnom uglu na prvoj strani podneska.

Podnesci koji nisu predati u obje forme neće se razmatrati dok se ne kompletiraju u skladu sa članom 1. i 2. ove Odluke.

### Član 4.

Odluka stupa na snagu sa danom donošenja.

## OBRAZLOŽENJE

U cilju osavremenjavanja i efikasnijeg rada na Elektrotehničkom fakultetu u Sarajevu, donijeta je odluka kao u dispozitivu.

- CO. - Svim odsjecima
- Prodekanima
- Službama
- Web stranu Fakulteta
- a/a



Red. prof. dr. Kemo Sokolija, dipl. ing. el.